

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Broj: 10/E-11-12326/23
Sarajevo, ~~09-04-2024~~ godine

Na osnovu člana 70. stav (1), (2), (3) i (6), člana 72. stav (3) tačka a) Zakona o javnim nabavkama Bosne i Hercegovine („Službeni glasnik BiH“, broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), u postupku provođenja javne nabavke za izvođenje radova na rekonstrukciji česme kod džamije Magribija, putem konkurentskog zahtjeva za dostavu ponuda, uz primjenu e-aukcije (Zapisnik o pregledu i ocjeni ponuda - II, broj: 10/E-11-12326/23 od 05-04-2024 godine), Opštinski načelnik, donosi:

O D L U K U **O IZBORU DRUGORANGIRANOG PONUĐAČA** **ZA IZVOĐENJE RADOVA NA REKONSTRUKCIJI ČESME KOD DŽAMIJE MAGRIBIJA**

I Prihvata se ponuda drugorangiranog ponuđača „Dinalsa“ d.o.o. Sarajevo, ulica Huseina Đoze broj 3, 71000 Sarajevo, broj: 0044/24 od 19.01.2024. godine, za izvođenje radova rekonstrukciji česme kod džamije Magribija, putem konkurentskog zahtjeva za dostavu ponuda, uz primjenu e-aukcije, sa umanjenom cijenom nakon provedene e-aukcije u ukupnom iznosu od **39.950,00 KM bez PDV-a, odnosno 46.741,50 KM sa PDV-om.**

II Ponuda ponuđača iz tačke I ove Odluke ocijenjena je prihvatljivom jer ispunjava sve uslove postavljene tenderskom dokumentacijom.

III Izabrani ponuđač obavezan je da u skladu sa članom 45. Zakona o javnim nabavkama, najkasnije u roku od **5 (pet) dana** od dana prijema ove Odluke, na Protokol Ugovornog organa dostaviti dokaze/dokumente iz tačke 7.1. i podtačka 7.1.2. tenderske dokumentacije (Lična sposobnost) u originalu ili ovjerenoj kopiji.

IV Ova Odluka stupa na snagu danom donošenja, a Odluka o izboru najpovoljnijeg ponuđača broj: 10/E-11-12326/23 od 11.03.2024. godine stavlja se van snage i prestaje da važi.

V Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

VI Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke za izvođenje radova na rekonstrukciji česme kod džamije Magribija, pokrenut je Odlukom Opštinskog načelnika o pokretanju postupka javne nabavke, broj: 10/E-11-12326/23 od 25.12.2023. godine. Postupak javne nabavke nije podijeljen na lotove.

Obavještenje o nabavci broj: 848-7-3-209-3-244/23 objavljeno je dana 28.12.2023. godine na Portalu javnih nabavki, a Ispravka za Obavještenje o nabavci 848-7-3-209-8-16/24 objavljena je na Portalu javnih nabavki dana 19.01.2024. godine.

Procijenjena vrijednost javne nabavke iznosi ukupno 55.000,00 KM bez PDV-a.

Postupak javne nabavke provela je Komisija za nabavku roba, usluga i radova I (u daljem tekstu: Komisija I), imenovana rješenjem Opštinskog načelnika broj: 10-45-1694/23 od 23.02.2023. godine.

U roku za dostavu ponuda koji je određen tenderskom dokumentacijom Ugovornom organu blagovremeno su dostavljene tri (3) ponude ponuđača, i to: ponuđača „Tenneco Ing“ d.o.o. Kiseljak; ponuđača „HM TENAX“ d.o.o. Sarajevo i ponuđača „Dinalsa“ d.o.o. Sarajevo.

Komisija I je nakon javno otvaranja ponuda izvršila detaljan pregled i analizu dokumentacije priložene uz dostavljene ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; formalne ispravnosti, ocjene tehničke i ekonomske prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom Komisija I je konstatovala da je ponuda ponuđača „HM TENAX“ d.o.o. Sarajevo nepravilna u smislu Zakona o javnim nabavkama, iz razloga što cijena ponude prelazi planirana, odnosno obezbijeđena novčana sredstva ugovornog organa za nabavku.

Naime, navedeni ponuđač „HM TENAX“ d.o.o. Sarajevo ponudio je cijenu radova u iznosu od 66.278,80 KM bez PDV-a, odnosno 77.546,20 KM sa PDV-om. U tenderskoj dokumentaciji navedena je procijenjena vrijednost nabavke u iznosu 55.000,00 KM bez PDV-a. Ugovorni organ je za predmetnu nabavku u Budžetu Općine Centar Sarajevo planirao, odnosno obezbijedio iznos od 70.000,00 KM (sa PDV-om).

Na osnovu naprijed utvrđenog Komisija I je zaključila da je ponuda neprihvatljiva u smislu člana 2. stav (1) tačka I) alineja 2) Zakona o javnim nabavkama, te je ista isključena iz daljeg postupka zbog čega nije bila predmetom dalje ocjene i evaluacije.

O razlozima isključenja obaviješten je ponuđač „HM TENAX“ d.o.o. Sarajevo aktom broj: 10/E-11-12326/23 od 01.02.2024. godine.

U daljem toku postupka pregleda, ocjene i usporedbe dostavljenih ponuda ponuđača „Tenneco Ing“ d.o.o. Kiseljak i „Dinalsa“ d.o.o. Sarajevo Komisija I je utvrdila da obje ponude ispunjavaju formalno-pravne, ekonomske i tehničke uslove, odnosno da ispunjavaju zahtjeve ugovornog organa iz tenderske dokumentacije za predmetnu nabavku; da su prihvatljive u smislu Zakona o javnim nabavkama i računski ispravne.

Tenderskom dokumentacijom je predviđeno provođenje e-aukcije, te je ista bila navedena u Obavještenju o nabavci broj: 848-7-3-209-3-244/23 od 28.12.2023. godine.

Na prijedlog Komisije I, kojem je prethodilo rangiranja prihvatljivih ponuda ponuđača „Tenneco Ing“ d.o.o. Kiseljak i ponuđača „Dinalsa“ d.o.o. Sarajevo, u skladu sa rezultatom uspješno provedene e-aukcije na dan 06.02.2024. godine i kriteriju za izbor ponude „najniža cijena“, Ugovorni organ je na osnovu člana 70. stav (1), (2), (3) i (6), a u vezi sa članom 64. stav (1) tačka b) Zakona o javnim nabavkama („Službeni glasnik BiH“, broj 39/14 i 59/22) dana 11.03.2024. godine donio Odluku o izboru najpovoljnijeg ponuđača broj: 10/E-11-12326/23, kojom je kao najpovoljniji i izabran prvorangirani „Tenneco Ing“ d.o.o. Kiseljak.

Odluka o izboru najpovoljnijeg ponuđača je zajedno sa obavještenjem i Zapisnikom o pregledu i ocjeni ponuda broj: 10/E-11-12326/23 od 06.02.2024. godine dostavljena je dana 11.03.2024. godine svim ponuđačima, učesnicima u postupku javne nabavke.

Međutim, u roku koji je definisan tačkom II dispozitiva Odluke o izboru najpovoljnijeg ponuđača, izabrani prvorangirani ponuđač „Tenneco Ing“ d.o.o. Kiseljak nije u skladu sa članom 45. Zakona o javnim nabavkama dostavio dokaze iz tačke 7.1. i podtačka 7.1.2. tenderske dokumentacije (Lična sposobnost), odnosno nije dostavio dokumentaciju da se slučajevi iz stava (1) navedenog člana ne odnose na njega.

Zakonodavac je u članu 72. stav (3) tačka a) Zakona o javnim nabavkama propisao da ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da je najuspješniji ponuđač propusti da dostavi originale ili ovjerene kopije dokumentacije iz čl. 45. i 47. ovog zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ.

U skladu sa navedenim članom, aktom broj: 10/E-11-12326/23 od 26.03.2024. godine pozvan je drugorangirani ponuđač „Dinalsa“ d.o.o. Sarajevo da se izjasni odnosno dostavi pisanu saglasnost o prihvatanju potpisivanja ugovora za izvođenje radova na rekonstrukciji česme kod džamije Magribija, po cijeni koju je ponudio, a na osnovu koje je rangiran.

Ponuđač „Dinalsa“ d.o.o. Sarajevo je dostavio Izjavu broj: 0119/24 od 27.03.2024. godine o prihvatanju potpisivanja ugovora, u kojoj je izjavio da prihvata prijedlog za ugovora za izvođenje radova na rekonstrukciji česme kod džamije Magribija i dao saglasnost za potpisivanje.

Komisija za nabavku roba, usluga i radova II, imenovana Rješenjem broj: 10-45-237/24 od 25.03.2024. godine (u daljem tekstu: Komisija II) je uzevši u obzir naprijed sve navedene činjenice zaključila da su ispunjene pretpostavke za primjenu člana 72. stav (3) tačka a) Zakona o javnim nabavkama odnosno da ne postoje smetnje da se ugovor za izvođenje radova na rekonstrukciju česme kod džamije Magribija ponudi drugorangiranom ponuđaču „Dinalsa“ d.o.o. Sarajevo.

Nakon detaljne analize ponude ponuđača „Dinalsa“ d.o.o. Sarajevo, Komisija II je konstatovala da je ponuda u prethodnoj evaluaciji ponuda, izvršenoj od strane Komisije I, ocijenjena u potpunosti ispravnom, potpunom i prihvatljivom, te da je ponuđač dostavio sve tražene dokumente/dokaze u skladu sa zahtjevima tenderske dokumentacije za predmetnu nabavku.

Dalje je Komisija II konstatovala da je ponuđač „Dinalsa“ d.o.o. Sarajevo na osnovu rezultata provedene e-aukcije (Izvještaj o toku i završetku e-aukcije od 05.02.2024. godine) ponudio novu cijenu ponude za izvođenje radova na rekonstrukciji česme kod džamije Magribija, izmijenjenu naniže u odnosu na početnu, i to u iznosu od 39.950,00 KM bez PDV-a, kao i da je ponuda navedenog ponuđača bila drugorangirana u postupku koji je prethodio donošenju Odluke o izboru najpovoljnijeg ponuđača broj: 10/E-12326/23 od 11.03.2024. godine.

Iz naprijed navedenog, Komisija II, je jednoglasno donijela odluku da se Opštinskom načelniku dostavi:

PREPORUKA O PRIHVATANJU PONUDE

Drugorangiranog ponuđača „Dinalsa“ d.o.o. Sarajevo, ulica Huseina Đoze broj 3, 71000 Sarajevo, broj: 0044/24 od 19.01.2024. godine, za izvođenje radova na rekonstrukciji česme kod džamije Magribija, putem konkurentskog zahtjeva za dostavu ponuda, uz primjenu e-aukcije, sa umanjenom cijenom nakon provedene e-aukcije u ukupnom iznosu **39.950,00 KM bez PDV-a, odnosno 46.741,50 KM sa PDV-om.**

Opštinski načelnik u postupku ocjene nije našao razloge niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



OPŠTINSKI NAČELNIK

Srdan Mandić

Prilog:

Zapisnik o pregledu i ocjeni ponuda - II
broj: 10/E-11-12326/23 od 05-04-2024. godine

Dostaviti:

1. Ponuđač: „Tenneco Ing“ d.o.o. Kiseljak, ul. Josipa bana Jelačića broj 21, 71250 Kiseljak
2. Ponuđač: „HM TENAX“ d.o.o. Sarajevo, ul. Vlakovo broj 158, 71000 Sarajevo
3. Ponuđač: „Dinalsa“ d.o.o. Sarajevo, ul. Huseina Đoze broj 3, 71000 Sarajevo
4. Službi za prostorno uređenje i investicije
5. Kabinetu opštinskog načelnika - Odsjek za javne nabavke
6. Službi za finansije
7. U spis

